

# " و من الأخوات من تعبد الله على حرف " ! .. اليوم التربوي

## بمسجد الصديق .. د . حازم شومان

حازم شومان

الحمد لله وكفى وصلة وسلاما على عباده الذين اصطفى. اللهم لك الحمد كله و لك الملك كله و بيدك الخير كله. واليک يرجع الامر كله  
لبيک يا ربنا وسعدیک والخیر كل الخیر في يديک والشر ليس اليک نحن بك واليک. تبارکت وتعالیت نستغفرک ونتوب اليک -

00:00:00

اللهم صل على النبي محمد وعلى الله وصحابه وسلم تسليما كثيرا اما بعد. اخواتنا الفاضلات الكريمات الطيبات ربنا يحفظكم وبيارك لنا  
فيکم يا رب. وبيارک الاسلام فيکم اخبار الفطار عندکم ایه يا بنات؟ آآ الفراخ آآ بالخضار المشکل طلع لكم ولا لأ؟ ها وصواني المکرونة  
البساميل طلعت لكم ولا لأ -

00:00:25

اه احنا كنا بنفتر کده مع الشیخ احمد جلال دلوقتی انا مش عارف بقى انتم بتعملوا ایه. يعني احنا نتمنی والله يا اخوات کده لكم ان  
ربنا سبحانه وتعالی يعني يفتح عليکم کده وبيارک فيکم بازن الله. ابشروا. ان شاء الله باقی السندوتشات ان شاء الله بازن الله لما  
نتوب لربنا كلنا کده ونبدأ کده نجمع قلوب -

00:00:45

على الله سبحانه وتعالی. ان شاء الله بازن الله ربنا يكرمنا وھيرسل لنا باقی الفطار بازن الله سبحانه وتعالی. آآ ربنا يحفزکم وربنا  
بيارک فيکم. وربنا سبحانه وتعالی يعني يستخرج منکن آآ من يحملن دین الله في الارض ومن يقمن بدين الله في الارض يعني يا بنات  
ويا اخوات ويا امهات -

00:01:05

امهات ويا بنات السيدة اسیا آآ اسیا امرأة فرعون رغم انها كانت عايشة في بيته في غاية الفساد. الا ان هي وصلت لقمة الصلاح  
لدرجة ان هي كانت واحدة من اربع نساء في تاريخ البشرية کملوا في تاريخ البشرية کله. يعني مهما كانت البيئة اللي احنا عايشين  
فيها صعبة مهما كانت المغريات صعبة مهما كانت الفتنة -

00:01:25

صعبة مهما كانت الدنيا صعبة. يا جماعة يعني من الايات اللي رعبت قلب الواحد واللي لازم تهزم قلوبنا كلنا قول الله سبحانه وتعالی  
ومن من يعبد الله على حرف. انا عايزك دلوقتی بقى تنسی الاكل وتنسى السندوتشات وتنسى الفطار وتنسى اي حاجة. انا عايز كلنا  
الوقتی يا اخوانی في الله -

00:01:45

نرکز مع بعض في الكلام اللي هنقوله حوالين هزه الاية. عشان نبدأ نتدارک نفسنا بازن الله سبحانه وتعالی. ونقدر نوصل لربنا سبحانه  
وتعالی. ومن الناس من يعبد الله على حرف فان اصابه خير اطمأن به -

00:02:05

وان اصابته فتنۃ انقلب على وجهه خسر الدنيا والآخرة ذلك هو الخسران المبين. يعني ایه يعبد الله على حرف؟ قال لك الحرف ده  
طرف الجيش الاخت تبقى في الطرف. يعني يقول لك ان ساعات واحد يدخل الجيش کده فيقف على الطرف. لو الجيش انتصر اھو  
حارب معهم. ولو الجيش اتهزم يهرب ويعرف يجري -

00:02:22

ففي ناس کده يا جماعة فيه اخوات کده فيه اخوة کده هو جاي على على على حرف الالتزام مش عايز يدخل جوة بيته الامام. مش  
عايز يدخل جوة اعمال الدين مش عايزه ان هي تندمج مع اعمال الایمان وتغير كل حاجة في حياتها. وتشوف صحبة صالحة وتلتئف  
حوالين الداعیات الى الله -

00:02:42

تطلب علم وتبدا تدعو الى الله. فيه اخوات بیبقو واقفين على الطرف من برة ما هماش عايزین يدخلوا. فان اصابه خير اطمئن هو

اطمن بس ب مش فيه اخوات كده مرتبة دينها على دنيتها. لو عندها مشاكل في الدين ما تقدرش ان هي تجتهد. لو عندها مشاكل في الدنيا ما تقدرش انها تجتهد - [00:03:02](#)

لو عندها ابتلاءات في الدنيا ما تقدرش انها تجتهد. لو الزواج عندها اتأخر شوية. لو الحمل عندها اتأخر شوية. لو جوزها عمل معها بعض مشاكل. كل مشكلة بتحصل في حياتها توقف لها دينها تماما. لا تقدر تفك في طاعة ولا تقدر تفك في عبادة. ولا تقدر تفك في اجتهاد. الله! سبحان الله العظيم! طب يا بنتي ربنا - [00:03:22](#)

بيقول انه خلق الانسان في كبد لقد خلقنا الانسان في كبد. يعني الحياة كلها مشاكل. في ناس يا جماعة ما تقدرش لو عندها مشكلة في الرزق. او ده ابتلاء او عندها مرض او عندها ازمة ما تقدرش ان هي تفك نهاياني في الدين غير لها الدنيا تتحل. طب وبعدين طب النوعية ديت في النهاية - [00:03:42](#)

في النهاية وان اصابته فتنة انقلب انقلب ده انقلاب بقى. تلاقي الاخت الملزمة الدينة. اول ما يحصل لها مشكلة مالية او مشكلة مع زوجها او مشكلة طلاق ربنا يعافيكم اجمعين يا رب. او مشكلة طلاق او مشكلة اي مشكلة تحصل او خطوبة ما تمتش او - [00:04:02](#)

ازمة اي ازمة من الازمات او حد من احبابها ابتلي تفاجئي ان هي انقلب على وجهه انقلاب تماما في الحال. خسر الدنيا والآخرة ذلك والحسران المبين عايزين نواجه الظاهرة ديت يا بنات عايزين نواجه هزه الظاهرة الخطيرة ظاهرة ومن الاخوات من تبعد الله على على حرف الانحراف عن بيئة اليمان - [00:04:22](#)

والبعد عن بيئة اليمان. البعد عن بيئة الدين. ايه اللي يخليلك ما انتش عارفة تدخلني. ايه اللي يخليلك ما انتش عارفة تدخلني. ايه اللي يخليلك ما انتش عارفة تندمجي وسط بيئة - [00:04:42](#)

الدين وصبية اليمان. ايه اللي يخليلك تبقي دايما متطرفة ودايما خطة الشيطان لضرب اي اخت انه يعزلها وبعد كده يضرها. اعزلها الاول عن اخواتها اعزلها الاول عن دروس اليمان. اعزلها الاول عن صحبة الدعوة الى الله. اعزلها الاول عن صحبة الاعمال الخيرية. اعزلها الاول عن البيئة اللي - [00:04:52](#)

بالله وبعد كده بقى ايه وبعد كده يبدأ الشيطان في ضرب. اول حاجة ان الدنيا تكون شداتها. فما هييش عارفة تدخل. يعني ايه الدنيا شداتها؟ يا جماعة ربنا بيقول في - [00:05:12](#)

القرآن وما علمتم من الجوارح مكلبين. ربنا بيتكلم عن الكلب المعلم. كلب وربنا بيتكلم عنه ليه؟ لأن الكلب بتاع الصيد ده بيعرف لما يمسك الفريسة ما يأكلهاش. ليه؟ لأن صاحبه معلم. يعني لما كلب عرف يمسك شهوته. وعرف يضبط شهوته - [00:05:22](#)  
وعرف يتحكم في شهوته وربنا زكره في القرآن. فما بالكم بالانسان اللي يقدر يتحكم في شهواته. الدنيا مليانة مغريات الوقت.  
وبالنسبة للمرأة بالذات لأن المرأة ضعيفة وعواطفها ضعيفة واحوالها ضعيفة. فالمرأة بالضعف اللي فيها قدام المغريات اللي موجودة ممكن تبقى مش قادرة انها تواجه. ربنا لما اتكلم عن سيدنا يحيى - [00:05:42](#)

وسيدا وحصورا. قررت الكلمة دي قبل كده في ال عمران. وحصورا يعني ايه؟ حصور صيغة مبالغة على وزن فاعول. يعني انسان يقدر نفسه يقدر يجاهد نفسه. يقدر يحبس نفسه على طاعة ربنا سبحانه وتعالى. يقدر الامام المواردي يقول كان يمنع نفسه عن - [00:06:02](#)

يعني في ناس يقولوا حصوره انه لم يكن يرغب في النساء. لأن قال لك انه كان يرغب في النساء ولكن هو اللي كان بيجاهد نفسه. هو اللي كان بيمنع نفسه عن شهواتها. هو اللي - [00:06:22](#)

بيحاصر نفسه ويحبس نفسه ويقهر نفسه عشان تمشي معه في الطريق الى الله. انت مش كده ليه؟ احنا مش كده ليه يا جماعة؟ ما انتش قادرة انك انت تتحكمي نفسك وتجاهدي نفسك قدام المغريات اللي موجودة. وقدام فرص اللهو وفرص اللهو اللي موجودة دلوقتي لما النبي عليه الصلوة والسلام يقول لنا الكيس - [00:06:32](#)

ان دان نفسه. يعني ايه دان نفسه يا بنتي؟ دان نفسه دا يعني لما واحد مسلا حارب يقول لك حارب حتى دانت له البلاد. دان نفسه

يعني قهر نفسه. يعني حارب نفسه لحد ما قهرها. يعني فضل يجاهد نفسه لحد ما اخضع نفسه. زي ما واحد بيقاتل بلد لحد ما يخضع

البلد ديت - 00:06:52

يعني فضل يجاهد نفسه لحد ما نفسه مشط وراه. ليه ما تجاهديش نفسك؟ مجاهدة الاخت لنفسها. مجاهدة الاخت الملزمة لنفسها.

يعني الدنيا والشهوات اللي فيها والدنيا دلوقتي ما فيش فيها يعني ما فيش تفاهم يا جماعة. انت هتبقي ملتزمة بحق وحقيقي. يا اما

ما انتيش هتلacci نفسك البنت بتدخل على النت دلوقتي او الشاب بيدخل - 00:07:12

ادخل على النت هو داخل الاول اما يشوف المقطع ده بتاع الشيخ فلان في اليوتيوب. يدخل يلacci الصد اللي على الجنب مش عارف

فيه صورة ايه. يدخل يلacci نفسه مش عارف دخل على الفيسبوك في ايه - 00:07:32

لأ ما تنتهيش غير بمعصية والعياذ بالله. ما تنتهيش غير بحسنة وندم والعياذ بالله. يبقى الحل ان الواحد يعرف يجاهد نفسه من

دلوقتي. لما كلب يمنع شهوهته ربنا زكره في القرآن. امال احنا لو عرفنا نجاهد شهواتنا وسيدا وحصورا - 00:07:42

بشر سيدنا زكريا ان ابنته هيقى حصور. هيقدر يحاصر شهوات نفسه. هيقدر يقهر شهوات نفسه. هيقدر شاهد عشان يوصل لربنا

سبحانه وتعالى. ربنا بيقول لك وجاهادوا في الله حق جهاده. يعني ايه حق جهاد؟ الجهاد الذي يستحقه الله - 00:08:02

الله! ربنا يستحق جهاد شكله ايه! حق جهاده! يعني جهاد بحق وحقيقي! مش شكل جهاد! جاهادوا مين! جاهد جهد نفسك! جاهد

الشيطان جهدي هواك جاهدي اعداء الدين. جهدي اللي عايزين يستعملوكي طعنة في قلب الاسلام. وجاهادوا في الله حق جهاد -

00:08:22

يبقى احنا عايزين نعرف يعني ايه الكيس من دان نفسه بعدها وعمل لما بعد الموت. يبقى لما اخضع نفسه وخلالها تمشي وراه. مش

نفسه هي اللي قدامه بتتسوق وعمل لما بعد الموت هتقدرى ساعتها انك انت تجتهدى في اعمال الاخرة. انما الاخت بتسأل انا مش

قادرة ليه؟ انا لما بتحصل عندي مشكلة في الدنيا باعجذ ان انا اعمل حاجة في الدين ليه - 00:08:42

يا اخوانا كنت سبحان الله العظيم بتدرس مع بعض اخوانى من يومين كده قصة امرأة عمران بصيت لي القصة حسيت فعلا قلت

سبحان الله لما نتقابل ان شاء الله بازن الله - 00:09:02

هنا يوم الخميس قلت انا لازم اذكر اخواتي بهذه القصة العظيمة بهذه المرأة العظيمة. امرأة عمران شوفي علو الهمة شوفي في نساء

عشان ربنا عملوا ايه؟ شوفي في نساء عاشوا قلوبهم مليانة مشاعر ايمانية ازاى؟ ربنا يقول لك اذ قال امرأة عمران اذ قال امرأة

يعني اللي بتتكلم هنا امرأة يعني اللي بتتكلّفي - 00:09:12

اهدنا امرأة وامرأة من عمران فين عمران مات؟ جوزها مات يعني امرأة بلا زوج يعني امرأة عايشة وحيدة زوجها مات ما عندهاش

اولاد ما عندهاش ذرية بقت يعني كبيرة وزوجها مات وهي حامل. وفي بطنه يعني في اول الحمل بقى او في الحمل ما هياش ما

هياش عارفة ايه اللي في بطنهما. امرأة عمران يعني ممكن - 00:09:32

تكون واحدة بلا زوج ومع ذلك بطلة ممكن تكون واحدة زوجها مات او طلقت ومع ذلك بطلة ممكن تكون واحدة مهما كانت الزروف

بتاعتتها يا بنتي انتي مهمة انتي مهمة لبيتك مش بيقولك وراء كل عزيم امرأة الكلام ده فين في القرآن ربنا هب لنا

من ازواجانا وذرياتنا قرا - 00:09:52

تاين بعدها وجعلنا للمتقين ااما. يبقى لما السست وقفت ورا زوجها ربنا بعد كده قال واجعلنا للمتقين ااما. يبقى وراء كل امام امام

امرأة مش وراء كل عظيم امرأة. وراء كل امام امرأة. وراء كل انسان ربنا رفعه في الدنيا ديت. مش بيقول لك فتش - 00:10:12

عن المرأة وراء كل امام امرأة الامام البخاري امه اللي ربته يتيم ونشأ. الزبير ابن العوام امه اللي ربته يتيم ونشأ. انا وانا بتتكلم عن

قصة امرأة اذ قال امرأة عمران ربى اني نذرت لك ما في بطني محرا. فتقبل مني وتلacci هو ربنا بيحكى قصة مين؟ ربنا بيحكى

قصة من - 00:10:32

انا عايزك تشغلي دماغك معي. هتقولي قصة امرأة عمران لا ربنا بيحكى قصة عيسى. لان الایات دي نازلة اصلا في الجدال ما بين

النبي عليه الصلاة والسلام. وما بين نصارى - 00:10:52

لما كانوا بيتكلموا عن الوهية عيسى. طب ربنا بيحكي قصة عيسى بيحجب قصة جدته ليه؟ وبعد كده كده قصة امه مريم ليه؟ كان كل امام امرأة وراء هذا النبي امرأة ربنا سبحانه وتعالى بيحجب لك القصة من اول المرأة الصالحة اللي احتسبت على الله وربت. انت مهمه - 00:11:02

انت مهمه لدينك. انت مهمه في كل حاجة في الدنيا داهية. ربنا سبحانه وتعالى قال بعضكم من بعض. انت مهمه لدينك. مهمه للإسلام. اول دم مسال في الاسلام هتقولوا هتقولوا سمية. اول شهيدة. طب واول من قال لا الله الا الله. هتقولوا خديجة. واول من سعى هتقولوا هاجر. واول من يدخل الجنة بعد النبي صلى الله عليه وسلم. هتقولوا - 00:11:22

رأي قاعدة على عيال لها. طب دول كلهم الاولى. النساء دول كانوا الاولى. انت الاولى في ايه؟ انت هتبقي الاولى في ايه الحاجة اللي انت هتبقي فيها الاولى؟ المرأة يا جماعة - 00:11:42

السانوية العامة كده تلقي الاولى بنات. زي مسابقات القرآن والدورات العلمية اللي بنعملها. تلقي الاولى بنات. زي على النت لما بنعمل مسلا مسابقة ولا بنعمل دورة في اي حاجة الاولى بنات. الله! طب انت هتبقي الاولى في ايه؟ يبقى المرأة كتلة العاطفة اللي جواها. لما بتتوجه صح بتتسق حتى الرجال - 00:11:52

انت هتتوجه في ايه؟ ما فيش حاجة اسمها صعب انت تقدري. قلت لك ان اسيا امرأة فرعون اللي عاشت في القصر الملكي وسط افسد بها في مصر. ومع ذلك - 00:12:12

كملت وبقت واحدة من اربعة كملوا في تاريخ البشرية. ما تقوليش البيئة فاسدة ما تقوليش انا حواليا فتن. ما تقوليش انت ما انتاش عارف الفتنه اللي محبيطة بي. ما تقوليش انت ما انتاش عارف المشاكل - 00:12:22

اللي المرأة بضعفها بتتعرض لها يعني في الوقت ده والفتنه اللي المرأة بضعفها بتتعرض فيها للوقت ده وانت ما انتاش عارف يا بنتي لازم نواجه نفسينا ومن اخوات من تبعد الله على حرف. طب وفي الآخر اللي اللي بتبعد ربنا على حرف هتترمي خالص. هتبقي اقل فتنه هتترميها برة. اقل فتنه هتضيعها. هل ممكن - 00:12:32

ممکن تتعدي خمس سنين وانت لسة على الطريق ده. مش ربنا بيقول وما بدلوا تبديلا. يعني ايه وما بدلوا تبديلا؟ هل انت احلامك قبل الجواز؟ هي احلامك بعد الجواز هل انت طموحاتك وانت طالبة في الجامعة هي طموحاتك لسته الوقتي؟ هل انت حماسك للدعوة ولقيام الليل؟ ويوم ما التزمت من تلات سنين - 00:12:52

هو نفس حماسك الوقتي؟ هل وانت عندك عشرين سنة حماسك للدين وللرسالة؟ هو حماسك وانت عندك تلاتين. هو حماسك وانت عندك اربعين او حى ماسك هل انت قبل ما تنجبى ويبقى معك اطفال حماسك لطاعة ربنا وللوصول الى الله؟ هو حماسك وانت معك اطفال؟ يا بنتي وما بدلوا - 00:13:12

وتبديلا ازاي الانسان يفضل على الطريق؟ ازاي الانسان تفضل على طريق ربنا سبحانه وتعالى؟ اذ قالت امرأة عمران المرأة بتاعة الرجل اللي مات دهو ده امرأة عايشة بلا رجل يا جماعة. يعني ضعيفة يعني محتاجة. ودي الحاجة الوحيدة اللي بتملها في بطنها ضناها اللي في بطنها. اللي - 00:13:32

زوجها مات في اخر عمره بمعجزة من ربنا وحملت. ضناها ده اقصى ده الحاجة اللي هي الانسان وهو لسته صغير بيطلع السلم التلات درجات في خطوة. اما اكبر شوية بيطلع السلم خطوة خطوة. اما بيكبر شوية بيطلع سلمة سلمة. اما بيكبر شوية بيتسند على عصاية. اما بتكبري شوية بتقولي لحد من ولادك اسندني يا ابني - 00:13:51

فطلعه فالناس نفسها في ولد عشان يسندها في كبرها. ودي فعلا بقت كبيرة. ومحاجة اللي في بطنها. ويظنهما انها انه ولد. ومع ذلك اذ قالت امرأة عمران رب مش يا رب يا اداة نداء. والنداء للبعيد هي مش حاسة ان ربنا بعيد عنها. هي حاسة ان ربنا قريب منها. ربى اني اني بتتأكد من - 00:14:11

العواطف اللي في قلبها تجاه الله اني ندرت لك نظرت النزد يا رب لو نجحتني هعمل يا رب لو آشفيت لابني تصدق انما ديت مش بتقول يا رب لو اديتنى هاديك. يا رب انا هاديك ما املك. وانا مش مستنيها اخد ايه؟ انت ادتنى كل حاجة. بل اللي انا بدبيه لك ده

انت اللي مديه لي - 00:14:31

اني نظرت لك عشانك انت يا رب. ما في بطني مال شمول. انا يا رب ما باملکش غير دي. دي الحاجة الوحيدة اللي انا باملکها انا يا رب بستغنى عنها عشانك انت. انا يا رب بستغنى عن اکتر حاجة انا محتاجها في الدنيا الوقتي. عشانك انت. انا يا رب بوهه اللي في بطنی دي لك انت - 00:14:51

فانت وهبت لربنا ايه؟ انت عملت عشان ربنا ايه؟ انت نظرت لربنا ايه؟ انت مستعدة تضحي عشان ربنا بايه؟ نظرت لك ما في بطنی. انا ده ديت الحاجة اللي هي مستنيها انها تتعکز عليها في كبرها. انما يا رب انا هوه الولد ده للمسجد الاقصى. الولد ده هو اللي هيحرر فلسطين يا رب. الولد ده هو اللي هيحرر - 00:15:11

اللي كانت محتلية ايامهم امرأة عمران فلسطين كانت محتلة. وقام زكريا كانت محتلة وايام عيسى كانت محتلة وایام يحيى كانت محتلة. الفترة دي كلها كانت فلسطين محتلة ذلك كان كل تفكيرهم في الدعوة الى الله. كانوا ابطال انا مش عايز اقول كانوا جبارين في الدعوة الى الله. في قوة الدعوة لما حصل الازمات السياسية الطاحنة في - 00:15:31

ما قالوش الحل ان احنا آآآ يعني نشتغل في لا عرفوا ان الحل الاقتتال من اجل دعوة الناس الى الله الحل بتاع البنات دلوقتي ان انتم تنزلوا لهم. الحل بتاع البنات دلوقتي انهم يلاقوا حضن يستوعبهم لما يدخلوا المسجد. ان كل بنت جديدة امانة في رقبة كل واحدة دخلت المسجد قبلها - 00:15:51

ولو بيقوم واحد رباني نظرت لك ما في بطنی محرا. اللي بيجری وفي رجلیه قیود غير اللي بيجری وما فيش في رجلیك قیود. انا يا رب عايزاني انت يا رب انا عايزاه ما فيش في حياته قید. انا عايزاه يا رب ما فيش في حياته اي تعلق باي حاجة. انا يا رب عايزاه في حياته ما فيش ارتباط له بالدنيا. قیود الدنيا - 00:16:11

ما هياش شدات انا يا رب عايزاه بتاعك انت بس. لك انت بس. يحبك انت بس. يبعدك انت بس. يخدم دينك انت بس. انا عايز ده لك انت بس يا رب. ولا انا حتى يبقى لي نصيب له. اني نذرت لك ما في بطنی محرا. هتتحررني امتنى؟ يقول لك حرية - 00:16:31  
المرأة ايه حرية المرأة؟ حرية المرأة انها تعمل اللي هي عايزاه ولا حرية المرأة والراجل انهم يتحرررو من شهوات الدنيا وبيقوا بتوع ربنا بس. اتحرري من المعصية اللي مأيداك عن ربنا. اتحرري من الشهوة اللي مانعاكي عن طريق ربنا. اتحرري من العلاقة اللي بينك وبين ربنا. اللي بينك وبين - 00:16:51

من غير ربنا اتحرري زي السيدة مریم. ربنا بيقول لك اذ قائد اذ انتبذت واذكر في الكتاب مریم اذ انتبذت نبذت كرهت اذ انتبذت من اهلها. مش عايزه تشووف حد ولا حد يشوفها. مكانا شرقية مكان تشووف فيه مشاهد الشروق ومشاهد - 00:17:11

التدبر في خلق الله عايزه تعيش مع ربنا بس عايزه تعيش مع اسماء الله الحسنى عايزه تعيش مع ذكر الله ليل نهار فاتخزت من دونهم حجاب عايزه تبكي عايز تنهنه بين ايدين ربنا. عايزه تمرغ وشها في التراب بين ايدين ربنا. عايزه تجأر لربنا عايزه تناجي ربنا. زي - 00:17:29

زي امها الوقتي امرأة عمران اللي بتناجي ربنا. وهي بتقول ربی اني نذرت لك. هي بتندعي! دا بتكلم ربنا. فلما وضعتها قالت ربیاني وضعتها انشي. هي بتندعي انت بتناجي يا جماعة! ده بتكلم ربنا! ده عايشة بقلبها مع ربنا. دي عبادة تانية اسمها عبادة المناجاة. الانسان اللي ماشي يناجي الله - 00:17:49

اه يكلم الله بیث ما في صدره لله. يخاطب ربه سبحانه وتعالى. فطلعت بنتها زيها. ها فاتخذت من دون حجاب عايزه تنجي ربنا وتبكي من ایديه من غير ما حد يشوفها. فارسلنا اليها روحنا. ربنا اصطفهاها واختارها. لما الانس بالله زاد في قلبها. لما حب الله زاد في - 00:18:09

لما الشوق الى الله زاد في قلبها ربنا اختارها. احنا دلوقتي مع امها بقى اللي طلعت هزا النموذج اللي طلعت مریم. اللي طلعت البنت الصغيرة داهيit. اللي لما خبط على اید زكريا كلما دخل عليها زكريا المحراب وجد عندها رزقا. كل شوية فيه كرامات. كل شوية فيه عطاءات. سيدنا زكريا يدخل يلاقي فاكهة - 00:18:29

ما هوش الموسم بتابعها. سيدنا زكريا يدخل يلاقي علوم عند مريم في معرفة الله هو ما علهم الهاش. هو نفسه بيتعلم منها كلما دخل عليها زكريا المحراب وجد عندها رزقا رزق في العلم ورزق في الدنيا. قال يا مريم انى لك هذا؟ ازاي يا مريم؟ ده انا اللي بعلمك وانا اللي بجيب لك الاكل منين - 00:18:49

نفسى وانا اللي ما باسيبىش حد يدخل عليك غيري. انا المربي بتابعك اللي بوالك على طول. كل ما ادخل الاقى كرامات يا مريم. كل ما اشوفك الاقى كرامات يا مريم - 00:19:08

كل ما اشوفك الاقى عطاءات يا مريم ان لك هذا؟ وصلت لده ازاي؟ خدت ده ازاي؟ قالت هو من عند الله ان الله يرزق ومن يشاء بغير حساب هنالك دعا زكريا ربه النبي اللي عنده تسعين سنة اللي ما عندهش اولاد وقف قدام البنت وقف قدام - 00:19:18

بنت يا بنات وقف قدام المرأة يا نساء. وقف قدام البنت اللي عندها تلتasher سنة. يسمع الكلام بتابعها وقلبه يتزلزل. من الكلام اللي هي بتقوله عن ربنا. نبي عنده تسعين سنة علم الدنيا كلها مين هو ربنا. وبنت قلبه اتلمس بمعرفة الله وبحب الله - 00:19:38

عشان تعرفي قلبك دا هو. قلبك اللي مليان مشاعر داهو. قلبك دا ولو بقى بتابع ربنا هيخرج منك ايه. عشان تعرفي المرأة كتلة الشاعر ده ايه؟ لما قلبه فعلا يتوجه الى الله هتبقى ايه؟ نبي يتغير حياته كلها بسبب كلمة سمعها من بنت - 00:19:58

عايدة من امرأة عابدة هنالك دعا زكريا ربه قال لها يعني يعني السيدة زكريا ما دعاش لحد ما شاف الموقف بتابع مريم وسمع الكلمة اللي هزت من السيدة مريم يبقى انت ما تستأليش انت ممكن تغيري ايه. وفي نفس الوقت برضو سيدنا زكريا وهو نبي. لما سمع كلمة غيرت له غيرت له امور خطيرة جدا في حياته. يبقى - 00:20:18

ما تستقليش باي كلمة تسمعها. ما تستقليش انك تيجي تسمعي درس وتسمعي كلمة. ما تستقليش بقيمة درس تسمعه. ما تستقليش بقيمة موعظة تحضريها لواحدة من الداعيات ولا درس من الدعاء. ما تستأليش ان كلمة ممكن تغير حياتك. ان كلمة ممكن تامس قلبك. ما هو القلب ده عامل زي ايه يا بنات! القلب ده عامل زي واحد - 00:20:40

واحد جاي مسلا ايه واحدة مسلا جاية تزورك في البيت. فلقت باب الشقة مفتوح. فعايزه تعرفك وانت جوة الشقة انها برة. قامت حاطة صابعها على الباب فما حدش من جوة الشقة عرف حس بحاجة. قامت لقت لمبة فوق باب الشقة قامت لامسة بصابعها اللمة. ما حدش حس بحاجة. قامت لقت يافطة مكتوب عليها بيت فوق الاستاذة فلان - 00:21:00

انا او آفلان الفلاني قامت لابسة اليافطة. ما حدش حس بحاجة. فلقت نقطة كده اسمها الجرس. لمست بصابعها الجرس. اول ما لبست الجزر كل في جوة حسوا بها وفتحوا لها انت قلبك فيه نقط. لو اتلمسنت انت حياتك كلها تغيرت. تضمني منين؟ ان ممكن الدرس اللي انت متکاسل عنه ده ده - 00:21:20

اللي قلبك يتلمس بكلمة منه وحياتك كلها تتغير. يا بنات ومن يتصرّب يصبره الله. حديث عزيم اوسي. ومن يتعرف يعفه الله سبحانه وتعالى الانسان لما بيجهاد ربنا بيفتح عليه وربنا سبحانه وتعالى بيديه. اذ قالت امرأة عمران ربياني نظرت لك وهي من غير زوج. اوعي - 00:21:40

تأخر الزواج يعطلك عن ربنا. اوعي اشكال خطوبة او اتنين يعطلك عن ربنا. اوعي مشكلة مع زوجك تعطلك عن ربنا. ده اللي الله لك كل المشاكل دي علاقتك بربنا. اوعي خزائن ربنا مليانة عرسان وخزائن ربنا مليانة كل احلام الناس اللي في الدنيا. اوعي لان - 00:22:00

انت طلقت تخلி الطلاق حاجة تشن قلبك وتشل تفكيرك عن ربنا. اوعي اوعي لان زوجك توفاه الله. مشكلة ان انت الوقتي شوفوا امرأة عمران من غير زوج ومن غير اولاد كمان. ومع ذلك بطلة رغم اي شيء. رغم اي معوق ربى اني نذرت لك. ما في بطنني ربنا جعلها - 00:22:20

للدنيا كلها. ومسل للرجالية يتعلموا منها. وربنا سمي السورة كلها ال عمران على اسم الاسرة دي. لان كل واحد منها كان نور. اني نذرت لك ما في بطن محررة فتقبل مني يا رب. يا رب انا باقدم لك الحاجة الوحيدة اللي املكتها. انا باقدم لك الشيء اللي لا املك غيره يا رب. انا باقدم لك الحاجة اللي ما عيش - 00:22:40

بديل لها في حياتي بس انا واسقة ان انا لما هاقدم لك انت هتقدم لي اللي اعظم منه مليون مرة. انا واسقة لما استغنى بك انك هتغيني عن كل حاجة ولو حتى عن عن ضنايا الوحيد. انا واسقة يا رب. ده اسمه الاستغناء بالله. الصالحين قدموا نمازج في الاستغناء بالله تفوق - 00:23:00

خيال الخيال. النبي عليه الصلاة والسلام في بدر وداخلين يحاربوا الكفار وال موقف رهيب. احنا دخلنا حارب يعني حرب الصحابة متوقعين جزيرة العرب كلها قدامهم ويلقى سيدنا حذيفة جاي هو وواحد يقول له يا رسول الله المشركين قبضوا علينا وقالوا لنا نعاهدكم نسيبكم بس على شرط تدونا عهد انكم ما تحاربواش مع محمد - 00:23:20

فقال كده قال خلاص نفي له بعهدهم. ونستعين الله عليهم. ايه ده يا رسول الله ده انت تحتاج كل راجل الوقتي الاستغناء بالله. الصالحين ضربوا امسلة في استغناء بالله تفوق الخيال. امرأة عمران بتستغنى عن درنها فتقبل مني انا كل همي بس. انك انت تقبل يا رب. كل همي انك انت السميع - 00:23:40

العليم. انت يا رب اللي سامعني. انت يا رب اللي عالم بحالى. انت يا رب اللي عالم ان انا لا املك الا هذا. انت يا رب اللي بتختار وانت اللي بتقبل. فلما فاديت - 00:24:00

لحظة اللهفة بقى فورية لحزة اللهف لحزة الولادة. فلما وضعتها قالت رب فاول ما حست انها بنت رب دي طلعت بنت يا رب! دي طلعت بنت البنت هتعمل ايه! البنت هتحرر فلسطين ازاي! البنت هتطلب علم وتجاهد ازاي! البنت هتنزل تدعوا في الواقع وتغير - 00:24:10

فلسطين ازاي؟ امرأة فلسطينية وهي بتولد ولد مصممة ان هو اللي يطرد اليهود من فلسطين. لا جنبها بنت. يا رب اني وضعتها انشى. دي طلعت بنت غلابة ضعيفة. اخرها ان هي هتتجوز وبعد ما تجوز هتتشغل في حالها وخلاص. يا رب انا احلامي اتحطمت - 00:24:30

ولا ايه؟ يا رب انا امالي راحت ولا ايه؟ ربياني وضعتها انشى. شوفوا ربنا بقى بيقول ايه؟ ارفعي راسك بقى وشوفي ربنا بيقول على البنت ايه والله اعلم بما وضعت. ما هنا؟ يقول لك للتعظيم. ربي هي ما هييش عارفة اللي جنبها دي - 00:24:50

هيبقى لها دور عظيم في هداية البشرية قد ايه. هي ما هياش عارفة اللي جنبها دي هيبقى دورها في الحق قد ايه. والله اعلم الانسان للاسف بيبقى جاهم ما هوش عارف - 00:25:10

الله اعلم بما وضعت. اوعي تستقالي نفسك. اانا بكلم. اانا مش باكلم بس الاخت الملتزمة اللي بقى لها سنين. اانا باكلم البنت اللي لسة داخلة او المرأة اللي لسه داخلة النهاردة اول مرة اوعي تستقلي دورك او عي تستقلي انت ربنا ممكن يفتح عليك قد ايه. وممكن يكرمك قد ايه وممكن يرفعك قد ايه. وكل اخت ملتزمة - 00:25:20

او عي تستقلي ربنا ممكن يفتح في نصرة الاسلام بك قد ايه. او عي تتكسر او عي تتهزمي. او عي تظني ان انت ما لكيش دور عظيم في نصرة دين ربنا سبحانه وتعالى في الارض والله اعلم بما وضعت. شوفي بقى ربنا بيقول ايه قال البعض اي - 00:25:40

الذكر الذي تمنته امرأة عمران كالانثى التي رزقتها. هي كانت عايزه ولد بولاد الدنيا كلهم مش هييجوا حاجة في السيدة مريم. خدت واحدة احسن من الف راجل. خدت بنت انت تقدري تبقي في الدعوة احسن من الف راجل؟ تقدري في قيام الليل - 00:26:00

تبقي احسن من الف راجل تقدري في العبادة عارفة المرأة اللي من السلف اللي كانت عينيها جميلة جدا. وظلت تبكي من حب الله حتى قال لها الطبيب ستعمي. فقلت والله احب الي من بصري. والبكاء شوقا الى الله احب الي من بصري. دا المرأة دي يا جماعة دا برkan عواطف. برkan. البرkan دا هتخرجيه في ايه - 00:26:20

هتخرجيه في الدنيا وفي الشهوات هتبقي مصيبة. هتبقي المصيبة اللي احنا شايفينها برة. هتخرجيه في حب ربنا هتبقي هتبقي يعني لا تخيلي ربنا ينفع بك في الامة قد ايه. وليس الذكر كالانثى. وبعد كده امرأة عمران لقت ان خلاص هي واحدة. طب هتعمل ايه؟ واني سميتها مريم - 00:26:40

بعض علماء اللغة قال لك مريم ايمن راما اي رغبة اي الراغبة الى الله. حبيبة الله اللي بتحب ربنا. اللي حياتها كلها هدفها انها توصل

لربنا والبعض قال لك اي عابدة الله. اللي عايشة حياتها عشان تعبد ربنا. وطلعت مريم عابدة عظيمة. زات مقام عظيم في العبادة -

00:27:00

يعني امرأة عمران ما احبطتش امرأة عمران حب ربنا زهر حتى في اسم ولادها. حتى اسم بنتها حب ربنا زهر فيه. اللي بيحب ربنا ربنا كل نظرات عنده بيبان فيها حب ربنا. اللي بيحب ربنا يا جماعة اللي بيحب ربنا سرحانه لما عينيه بتسرح بيبان فيها حب ربنا. اللي بتحبه - 00:27:19

ربنا ليه بيدل ان دي بتحب ربنا. نهارها بيدل ان دي بتحب ربنا. احزانها كلها عشان ربنا. افراحها كلها عشان ربنا. قلبك ده قلبك اللي خسارة انه يبقى لغيره. قلبك ده اللي بتحب ربنا كل حاجة في حياتها بيبان فيها انها بتحب ربنا. اني اني وضعتها انسى - 00:27:39 والله اعلم بما وضعت وليس الذكر كالانشى. واني سميتها مريم. انا سميتها حبيبة الله يا رب. انا سميتها عابدة الله يا رب انا سميتها الراغبة الى الله يا رب. واني اعيذها بك وذريتها من الشيطان الرجيم. انا يا رب ضحيت بها عشانك - 00:27:59

يا رب انا هسيبها في المسجد الاقصى يا رب تعبدك لحد ما تموت. انا يا رب ضحيت بها عشانك يا رب. يا رب يا رب انا مش عايز يبقى فيها نصيب لغيرك. انا ما قبلتش - 00:28:19

ان انا اشاركك فيها. انا ما قبلتش ان انا يبقى لي نصيب فيها معك. يا رب ما تخليش حد تاني له نصيب فيك. يا رب ما تخليش اي حد يشاركك فيها. يا رب انا عايزاها لك انت بس. يا رب انت ممكун تعملي كده مع ولادك. انت ممكун تندري ولادك لله لما سافرت يعني - 00:28:29

في بنجلاديش وشفت هناك في الفترة اللي فاتت ديت المدارس القرآنية اللي هناك بيجيبوا الطفل من وهو عنده خمس سنين الام بتسيب ضلال اه وكمان في اندونيسيا قابلت اخ فاتح اتنين وخمسين مدرسة عامل مدارس كمان للبنات الام بتسيب ضناها ولد ولا بنت بيروحوا يعيشوا في المدرسة ديت - 00:28:49

اربعة وعشرين ساعة ما بيروحوا بيوتهم غير من سبعة اشهر رمضان لخمستاشر شوال بس. ما بيروحوا بيتهم غير كده. يعني احنا كنا ايام عايشين ليل نهار. بيسحروا من قبل الفجر بساعة. خلية نحل. اطفال اعاجم. يفضلوا يحفزوا في القرآن. ما حدش عارف هو بيحفز في ايه - 00:29:09

اللي بيحفز في النساء واللي بيحفز في المائدة واللي بيحفز وقاعددين يحفزوا من قبل الفجر بساعة لحد العصر بلا توقف. ومن العصر للمغرب اكل وراحة ومن لتسعة بالليل يرجعوا يكملوا حفز تاني. وتسعة بالليل يناموا في البيت المتواضع الصغير. اللي عاملينه لهم اللي هو اسمه المدرسة ده. اللي هو كان مشمع ازرق كده - 00:29:29

على حته صحيح لو كلوا عدس يعني بتبقى حاجة قوية جدا انهم ياكلوه. المكان ده بيزاكرموا فيه ويحفزوا فيه ويناموا فيه ويسحروا فيه ويعيشوا فيه. يعني يا اخوانا في الله - 00:29:49

الام اللي ضحت بضناها ده بالمنزه والمدارس دي مش غير طوق نجاة واحد ركبوا ابنهم الطفل. ركبوا ابنهم الطفل. طوق النجاة وسابوه هو يعوم وهم ماتوا حرق او غرق في السفينة. وضحوا بحياتهم عشان النوم. ايه العذاب اللي يخلوا دول يخونوا ابني او بنتي - 00:29:59

اترمي في جهنم بس انا انجم. انا انجو انا اعدي. انت متخيلة يوم القيمة ده. ربنا بيحب لك عواطف امرأة يوم القيمة وهي بتنهر. عشان ما ما تقلقش قلبك بحد عشان ما يتعلقش قلبك بحد في معصية ربنا. عشان ما فيش اي حد يشغلك عن ربنا مهما كان ده مين. يوم ترونها تذهل - 00:30:19

كل مرضعة عما ارضعت. اقول قولي هذا واستغفر الله لي ولكم - 00:30:39